



Vrsta dok.	Izdavač	RB	Strana
ROD	0101	5A	1 od 4

Na osnovu člana 6. i 9. Zakona o javnim Preduzećima F BiH ("Službene novine F BiH, broj: 8/05, 81/08, 22/09 i 109/12), člana 234. stav 1. tačka k. , a u vezi sa članom 303. stav 1. Zakona o privrednim društvima („Službene novine Federacije Bosne i Hercegovine", broj: 81/15 i 75/21), Zaključka Vlade Kantona Sarajevo, broj: 02-04-6666-18/23 od 16.03.2023. godine, Obavezujućih uputa za učešće u radu i odlučivanju na Skupštini KJP „Sarajevo-šume“ d.o.o. Sarajevo, broj: 02-04-6666-18.1/23 od 16.03.2023. godine, Punomoći Vlade Kantona Sarajevo, broj: 02-04-6706-4/23 od 22.03.2023. godine, člana 37. stav 1. tačka e) i stav 2. tačka h) Statuta Kantonalnog javnog preduzeća za gospodarenje državnim šumama „Sarajevo-šume“ d.o.o. Sarajevo, broj: 0101-1753-12/22 od 18.05.2022. godine, Odluke Skupštine KJP "Sarajevo-šume" d.o.o. Sarajevo o raspisivanju Javnog konkursa za izbor i imenovanje članova Nadzornog odbora KJP "Sarajevo-šume" d.o.o. Sarajevo, broj: 0101-916-11/23 od 23.03.2023. godine, Skupština KJP "Sarajevo-šume" d.o.o. Sarajevo raspisuje

**JAVNI KONKURS
ZA IZBOR I IMENOVANJE ČLANA NADZORNOG ODBORA
KJP „SARAJEVO-ŠUME“ DOO SARAJEVO**

I Predmet Javnog konkursa

Objavljuje se Javni konkurs za izbor i imenovanje člana Nadzornog odbora KJP "Sarajevo-šume" d.o.o. Sarajevo.

II Opis pozicije

Nadzorni odbor KJP „Sarajevo-šume“ d.o.o. Sarajevo je nadležan da:

- bira predsjednika Nadzornog odbora KJP „Sarajevo-šume“ d.o.o. Sarajevo;
- nadzire poslovanje KJP „Sarajevo-šume“ d.o.o. Sarajevo;
- usvaja poslovne strategije društva i planove poslovanja, priprema poslovnike;
- bira upravu;
- predlaže raspodjelu i način upotrebe dobiti i način pokrića gubitka;
- nadzire rad Uprave KJP „Sarajevo-šume“ d.o.o. Sarajevo, te odobrava odluke strateškog karaktera;
- donosi opće akte Preduzeća;
- usvaja izvještaj Uprave KJP „Sarajevo-šume“ d.o.o. Sarajevo o poslovanju po polugodišnjem i godišnjem obračunu sa bilansom stanja i bilansom uspjeha i izvještajem revizije;
- podnosi Skupštini KJP „Sarajevo-šume“ d.o.o. Sarajevo godišnji izvještaj o poslovanju KJP „Sarajevo-šume“ d.o.o. Sarajevo koji obavezno uključuje finansijski izvještaj i izvještaje revizora, Nadzornog odbora KJP „Sarajevo-šume“ d.o.o. Sarajevo i Odbora za reviziju KJP „Sarajevo-šume“ d.o.o. Sarajevo;
- odobrava kupovinu, prodaju, zamjenu, uzimanje ili davanje u lizing, uzimanje ili davanje kredita i druge transakcije imovinom, direktno ili posredstvom supsidijarnih društava u toku poslovne godine u obimu od 15% do 33% knjigovodstvene vrijednosti ukupne imovine preduzeća po bilansu stanja na kraju prethodne godine;
- predlaže Skupštini KJP „Sarajevo-šume“ d.o.o. Sarajevo kupovinu, prodaju, zamjenu, uzimanje ili davanje u lizing, uzimanje ili davanje kredita i druge transakcije imovinom, direktno ili posredstvom supsidijarnih društava u toku poslovne godine u obimu većem od 33% knjigovodstvene vrijednosti ukupne imovine Preduzeća po bilansu stanja na kraju prethodne godine;
- saziva Skupštinu KJP „Sarajevo-šume“ d.o.o. Sarajevo,
- imenuje privremene komisije utvrđuje njihov sastav i zadatak;
- priprema poslovnike i predlaže ih Skupštini KJP „Sarajevo-šume“ d.o.o. Sarajevo,
- priprema Etički kodeks i predlaže ga Skupštini KJP „Sarajevo-šume“ d.o.o. Sarajevo,
- vrši izbor kandidata Odbora za reviziju KJP „Sarajevo-šume“ d.o.o. Sarajevo i podnosi prijedlog za imenovanje Skupštini KJP „Sarajevo-šume“ d.o.o. Sarajevo,
- razmatra provedbeni propis za postupak nabavke i nadzire njegovo provođenje,
- daje mišljenje Skupštini KJP „Sarajevo-šume“ d.o.o. Sarajevo o prijedlogu Uprave KJP „Sarajevo-



Općinski sud u Sarajevu,
Broj : 065-0-Reg-22-001052 od 08.06.2022.g.
PDV broj: 200630090001
Žiro račun: 1020500000111354 Union bank d.d. Sarajevo
1610000036720040 Raiffeisen bank Sarajevo

Vrsta dok.	Izdavač	RB	Strana
ROD	0101	5A	2 od 4

- šume" d.o.o. Sarajevo o rasporedu dobiti,
- daje ovlaštenje za aktivnosti koje su ograničene na osnovu odredbi Zakona o javnim preduzećima u Federaciji Bosne i Hercegovine ;
- daje upute Direktor KJP „Sarajevo-šume“ d.o.o. Sarajevo za provođenje uviđaja u vezi sa uočenim nepravilnostima,
- vrši druge poslove predviđene zakonom.

III Mandat

Član Nadzornog odbora KJP "Sarajevo-šume" d.o.o. Sarajevo imenuju se na period do 14.01.2026. godine, na koji je Skupština KJP "Sarajevo-šume" d.o.o. Sarajevo Rješenjem, broj: 0101-39-9/22 od 14.01.2022. godine, imenovala članove Nadzornog odbora KJP "Sarajevo-šume" d.o.o. Sarajevo, s tim da po isteku perioda od 2 (dvije) godine od dana imenovanja Skupština KJP „Sarajevo-šume“ d.o.o. Sarajevo glasa o povjerenju članovima Nadzornog odbora KJP „Sarajevo-šume“ d.o.o. Sarajevo.

Član Nadzornog odbora KJP "Sarajevo-šume" d.o.o. Sarajevo ima pravo na naknadu koja je utvrđena Odlukom Skupštine KJP „Sarajevo-šume“ d.o.o. Sarajevo o utvrđivanju iznosa mjesečne naknade predsjedniku i članovima Nadzornog odbora KJP "Sarajevo-šume" d.o.o. Sarajevo, broj: 0101-67-6/17 od 25.01.2017. godine.

IV Uslovi za pozicije

Kandidati za imenovanje na poziciju člana Nadzornog odbora KJP "Sarajevo-šume" d.o.o. Sarajevo moraju ispunjavati slijedeće opće i posebne uslove:

A. Opći uslovi

- da je državljanin Bosne i Hercegovine (dokaz: Uvjerenje o državljanstvu, original ne stariji od 6 (šest) mjeseca ili ovjerena kopija Uvjerenja o državljanstvu),
- da je stariji od 18 godina, a mlađi od 65 godina na dan imenovanja (dokaz: Izvod iz matične knjige rođenih original ili ovjerena kopija Izvoda iz matične knjige rođenih ne starija od 3 (tri) mjeseca) i kopija CIPS-ove lične karte, ne starija od 3 (tri) mjeseca,
- da se protiv njega ne vodi krivični postupak (dokaz: Uvjerenje nadležnog suda, original ne stariji od 3 (tri) mjeseca ili ovjerena kopija),
- da nije osuđivan za krivično djelo i prekršaj nespojiv sa dužnošću u Nadzornom odboru KJP "Sarajevo-šume" d.o.o. Sarajevo, 5 (pet) godina od dana pravosnažnosti presude, isključujući vrijeme zatvorske kazne (dokaz: Uvjerenje o neosuđivanosti nadležnog Ministarstva unutrašnjih poslova, original ne stariji od 3 (tri) mjeseca ili ovjerena kopija i Uvjerenje nadležnog suda - prekršajno odjeljenje, original ne stariji od 3 (tri) mjeseca ili ovjerena kopija),
- da mu pravosnažnom presudom suda nije zabranjeno obavljanje aktivnosti u nadležnosti Nadzornog odbora KJP "Sarajevo-šume" d.o.o. Sarajevo (dokaz: potpisana izjava kandidata ovjerena od strane nadležnog organa, ne starija od 3 (tri) mjeseca)
- da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od 3 (tri) godine prije dana objavljivanja ovog konkursa (dokaz: potpisana izjava kandidata ovjerena od strane nadležnog organa, ne starija od 3 (tri) mjeseca),
- da nije pod optužnicom Međunarodnog suda za ratne zločine u bivšoj Jugoslaviji-član IX. tačka 1. Ustava Bosne i Hercegovine (dokaz: potpisana izjava kandidata ovjerena od strane nadležnog organa, ne starija od 3 (tri) mjeseca),
- da nije izabrani zvaničnik, nosilac izvršnih funkcija ili savjetnik izabranim zvaničnicima i nosiocima izvršnih funkcija u smislu Zakona o sukobu interesa u institucijama vlasti Bosne i Hercegovine ("Službeni glasnik BiH", broj 16/02, 12/04, 63/08 i 18/12) i Zakona o sukobu interesa u organima vlasti Federacije Bosne i Hercegovine ("Službene novine Federacije BiH", broj 70/08) (dokaz: potpisana izjava kandidata ovjerena od strane nadležnog organa, ne starija od 3 (tri) mjeseca),
- da nije na funkciji u političkoj stranci (dokaz: potpisana izjava kandidata ovjerena od strane nadležnog organa, ne starija od 3 (tri) mjeseca)



Općinski sud u Sarajevu,
Broj : 065-0-Reg-22-001052 od 08.06.2022.g.
PDV broj: 200630090001
Žiro račun: 1020500000111354 Union bank d.d. Sarajevo
1610000036720040 Raiffeisen bank Sarajevo

Vrsta dok.	Izdavač	RB	Strana
ROD	0101	5A	3 od 4

- da nema privatni finansijski interes u KJP „Sarajevo-šume” d.o.o. Sarajevo (dokaz: potpisana izjava kandidata ovjerena od strane nadležnog organa, ne starija od 3 (tri) mjeseca)
- da nije direktor, član uprave, predsjednik ili član nadzornog/upravnog odbora ili odbora za reviziju u drugom privrednom društvu ili instituciji, (dokaz: potpisana izjava kandidata ovjerena od strane nadležnog organa, ne starija od 3 (tri) mjeseca)
- da ne postoje druge zakonske smetnje za obavljanje funkcije u Nadzornom odboru KJP “Sarajevo-šume” d.o.o. Sarajevo (dokaz: potpisana izjava kandidata ovjerena od strane nadležnog organa, ne starija od 3 (tri) mjeseca)

B. Posebni uslovi

- da ima visoku stručnu spremu - VII stepen stručne spreme, odnosno visoko obrazovanje drugog ciklusa Bolonjskog sistema studiranja iz tehničkih, ekonomskih, pravnih ili prirodnih nauka (dokaz: ovjerena fotokopija univerzitetske diplome, ne starija od 3 (tri) mjeseca);
- da ima najmanje 3 (tri) godine radnog iskustva u struci za koju je stekao univerzitetsku diplomu (dokaz: potvrda ili uvjerenje poslodavca o potrebnom radnom iskustvu u struci, ne starije od 3 (tri) mjeseca),
- da ima stručna znanja iz oblasti za koju se imenuje, što će se utvrditi na osnovu dostavljene biografije i intervjua ;
- da je prošao odgovarajuće usavršavanje u skladu sa Zakonom o privrednim društvima (“Službene novine F BiH”, broj: 81/15 i 75/21) i Uredbom o usavršavanju predsjednika i članova nadzornih odbora i uprava privrednih društava sa učešćem državnog kapitala iz nadležnosti Kantona Sarajevo (“Službene novine Kantona Sarajevo”, broj: 34/19) odnosno da preuzima obavezu sa usavršavanje obavi u roku predviđenom navedenom Uredbom (dokaz: Certifikat o završenom usavršavanju izdat od strane nadležnog organa/Komore, original ili ovjerena fotokopija, ne starija od 3 (tri) mjeseca) ili Izjava kandidata potpisana i ovjerena od strane nadležnog organa kojom kandidat izjavljuje da preuzima obavezu da usavršavanje obavi u roku od 1 (jedne) godine od dana imenovanja na poziciju, ne starija od 3 (tri) mjeseca . Ukoliko u navedenom roku lice ne završi usavršavanje prestaje mu mandat članstva u Nadzornom odboru KJP “Sarajevo-šume” d.o.o. Sarajevo).

Kandidat koji posjeduje certifikat izdat od ovlaštenog organa bilo kojeg nivoa vlasti u BiH, izuzet je od obaveze navedenog usavršavanja.

C. Prilikom procjene kvalifikacije i iskustva kandidata, uzet će se u obzir i slijedeće:

- sposobnost za savjesno, odlučno i odgovorno obavljanje tražene funkcije,
- sposobnost nepristrasnog donošenja odluka,
- izražena individualnost, inicijativnost, nezavisnost u radu i donošenju odluka,
- komunikacijske i organizacijske sposobnosti,
- poznavanje prava i ukupnog zakonodavstva na području djelovanja Nadzornog odbora,
- sposobnost upravljanja materijalnim i finansijskim resursima i naklonjenost timskom radu.

Prilikom izbora uzet će se u obzir priznanja i rezultati koje je kandidat stekao do dana podnošenja prijave na ovaj javni konkurs.

V Potrebna dokumentacija

Kandidati su dužni uz prijavu koja sadrži kraću biografiju, adresu i kontakt telefon, priložiti i originalne dokumente ili ovjerene fotokopije dokumenata kako je navedeno u Poglavlju IV- Uslovi za pozicije, koji predstavljaju dokaz o ispunjavanju općih i posebnih uslova traženih konkursom.

VI Ostale napomene



Općinski sud u Sarajevu,
Broj : 065-0-Reg-22-001052 od 08.06.2022.g.
PDV broj: 200630090001
Žiro račun: 1020500000111354 Union bank d.d. Sarajevo
1610000036720040 Raiffeisen bank Sarajevo

Vrsta dok.	Izdavač	RB	Strana
ROD	0101	5A	4 od 4

Komisija za izbor člana Nadzornog odbora KJP „Sarajevo-šume“ d.o.o. Sarajevo, koju imenuje Skupština KJP „Sarajevo-šume“ d.o.o. Sarajevo će nakon zaključenja konkursa pregledati sve prispjele prijave i utvrditi da li su blagovremene i sa potpunom dokumentacijom.

Nepotpune i neblagovremne prijave Komisija za izbor člana Nadzornog odbora KJP „Sarajevo-šume“ d.o.o. Sarajevo neće razmatrati.

Komisija za izbor člana Nadzornog odbora KJP „Sarajevo-šume“ d.o.o. Sarajevo će razmotriti sve potpune i blagovremene prijave i sačiniti listu kandidata koji su ušli u uži izbor, te obaviti intervju sa kandidatima koji budu stavljeni na listu sa užim izborom. Prije intervjua kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima i popuniti obrazac u kojem će iznijeti bilo koje pitanje koje bi moglo dovesti do sukoba interesa u slučaju da dođe do njegovog imenovanja. Obrasci će se popuniti neposredno prilikom intervjua.

Prijave kandidata sa kojima se ne stupa u kontakt u roku od 8 (osam) dana od dana isteka roka za podnošenje prijava neće biti razmatrane u daljem toku kandidovanja.

Komisija za izbor člana Nadzornog odbora KJP „Sarajevo-šume“ d.o.o. Sarajevo zadržava pravo provjere svih podataka iz izjava i drugih dokumenata kandidata.

Skupština KJP „Sarajevo-šume“ d.o.o. Sarajevo će izvršiti izbor i imenovanje člana Nadzornog odbora KJP „Sarajevo-šume“ d.o.o. Sarajevo.

Sve informacije o toku postupka kandidiranja su transparentne, osim ako informacija o podnosiocima prijave nije povjerljiva u smislu Zakona o zaštiti ličnih podataka ("Službeni glasnik BiH", broj:49/06,76/11 i 89/11).

Prijave na Javni konkurs sa traženom dokumentacijom dostaviti lično ili poštom preporučeno, na adresu:


KJP „Sarajevo-šume“ d.o.o – Sarajevo – Komisija za izbor člana Nadzornog odbora KJP “Sarajevo-šume” d.o.o. Sarajevo, ul. Maršala Tita broj 7/II, 71000 Sarajevo sa naznakom: „Prijava na Javni konkurs za izbor i imenovanje člana Nadzornog odbora KJP “Sarajevo-šume” d.o.o. Sarajevo–NE OTVARAJ“

Na poleđini koverta potrebno je navesti ime i prezime podnosioca prijave, adresu i kontakt telefon.

Javni konkurs će biti objavljen u "Službenim novinama Federacije BiH", dnevnom listu "Oslobođenje" i na web stranici KJP "Sarajevo-šume" d.o.o. Sarajevo www.sarajevo-sume.ba.

Javni konkurs ostaje otvoren 15 (petnaest) dana od dana posljednjeg objavljivanja.

KJP "Sarajevo-šume" d.o.o. Sarajevo nije obavezno vraćati dokumentaciju priloženu uz prijavu.

Za Skupštinu KJP "Sarajevo-šume" d.o.o. Sarajevo
Punomoćnik

1 - Kasapović Amel, dipl.pravnik